



საქართველო
აჭარის ავტონომიური რესპუბლიკის
უმაღლესი საბჭოს საკონსტიტუციო, იურიდიულ და
საპროცედურო საკითხთა კომიტეტი

ტელ: +995 (0) 32 228 54 48, ელ.ფოსტა contact@sca.ge, ბათუმი, ლუკა ასათიანის 37

31/05/2022
N 874

874-09-02-11-3-202205311331



საორგანიზაციო და საქმისწარმოების
დეპარტამენტის უფროსს
ბატონ გიორგი ბერიძეს

საკონსტიტუციო, იურიდიულ და საპროცედურო საკითხთა კომიტეტის

დასკვნა

აჭარის ავტონომიური რესპუბლიკის უმაღლესი საბჭოს დადგენილების
პროექტზე „საჯარო ინფორმაციის პროაქტიულად გამოქვეყნების წესის,
პირობებისა და საჯარო ინფორმაციის ელექტრონული ფორმით მოთხოვნის
სტანდარტების დამტკიცების შესახებ“

აჭარის ავტონომიური რესპუბლიკის უმაღლესი საბჭოს საკონსტიტუციო, იურიდიულ და საპროცედურო საკითხთა კომიტეტმა 2022 წლის 30 მაისის სხდომაზე განიხილა, აჭარის ავტონომიური რესპუბლიკის უმაღლესი საბჭოს წევრების დავით გაბაიძის, ტიტე აროშიძის, დავით ბაციკაძის, მარინე გვიანიძის, ლაშა სირაბიძის და ფრიდონ ფუტკარაძის მიერ საკანონმდებლო ინიციატივის წესით წარმოდგენილი აჭარის ავტონომიური რესპუბლიკის უმაღლესი საბჭოს დადგენილების პროექტი - „საჯარო ინფორმაციის პროაქტიულად გამოქვეყნების წესის, პირობებისა და საჯარო ინფორმაციის ელექტრონული ფორმით მოთხოვნის სტანდარტების დამტკიცების შესახებ“ (№09-01-08/26; 11.05.2022).

I. დადგენილების პროექტის ძირითადი არსი

საქართველოს ზოგადი ადმინისტრაციული კოდექსის 28-ე მუხლის მე-2 ნაწილისა და 37-ე მუხლის მე-4 ნაწილის შესაბამისად, საჯარო დაწესებულება ვალდებულია კანონქვემდებარე ნორმატიული აქტით უზრუნველყოს საჯარო ინფორმაციის პროაქტიულად გამოქვეყნების წესისა და საჯარო ინფორმაციის ელექტრონული ფორმით მოთხოვნის სტანდარტის დამტკიცება.

კანონის აღნიშნული მოთხოვნიდან გამომდინარე, აჭარის ავტონომიური რესპუბლიკის უმაღლესი საბჭოს საჯარო ინფორმაციის პროაქტიულად გამოქვეყნების წესი და საჯარო ინფორმაციის ელექტრონული ფორმით მოთხოვნის

სტანდარტი დამტკიცებული აქვს ჯერ კიდევ 2014 წელს, იმ დროისათვის მოქმედი უმაღლესი საბჭოს რეგლამენტის შესაბამისად.

გამომდინარე იქედან, რომ საკანონმდებლო აქტი, რომელიც მოქმედი დადგენილების მიღების ერთ-ერთ სამართლებრივ საფუძვლად იყო მითითებული უკვე ძალადაკარგულია (აჭარის ავტონომიური რესპუბლიკის უმაღლესი საბჭოს 2005 წლის 24 მარტის) რეგლამენტი), ასევე იმის გათვალისწინებით, რომ აჭარის ავტონომიური რესპუბლიკის უმაღლესი საბჭოს ღია მმართველობის 2020-2021 სამოქმედო გეგმით აღებულია ვალდებულება (№11), რომლის თანახმადაც, უმაღლესი საბჭოს ვებგვერდზე უნდა მოხდეს დოკუმენტების ადვილად დასამუშავებელ ფორმატში განთავსება, ასევე პროაქტიულად გამოსაქვეყნებელი ინფორმაციის ნუსხის გაზრდა, მიზანშეწონილია მიღებული იქნეს ახალი დადგენილება, რომელიც ახლებურად დაარეგულირებს საჯარო ინფორმაციის პროაქტიულად გამოქვეყნების წესსა და პირობებს და საჯარო ინფორმაციის ელექტრონული ფორმით მოთხოვნის სტანდარტს.

აღსანიშნავია, რომ თუკი დღეს მოქმედი საჯარო ინფორმაციის პროაქტიულად გამოქვეყნების წესის თანახმად, პროაქტიული წესით სავალდებულოდ გამოსაქვეყნებელი საჯარო ინფორმაციის ნუსხა შეადგენს 29-ს, წარმოდგენილი დადგენილების პროექტით აღნიშნული ნუსხა 61-მდე იზრდება.

წარმოდგენილი დადგენილების პროექტი შედგება 4 მუხლისაგან.

დადგენილების პროექტის პირველი მუხლით მტკიცდება „საჯარო ინფორმაციის პროაქტიულად გამოქვეყნების წესი და პირობები“ (დანართი №1) და „საჯარო ინფორმაციის ელექტრონული ფორმით მოთხოვნის სტანდარტი“ (დანართი №2).

დადგენილების პროექტის მეორე მუხლის თანახმად, ამ დადგენილების დანართი №1-ის მე-4 მუხლით განსაზღვრული იმ საჯარო ინფორმაციის პროაქტიულად გამოქვეყნების ვალდებულება, რომლის პროაქტიულად გამოქვეყნება ამ დადგენილების ამოქმედებამდე არ იყო სავალდებულო, ვრცელდება ამ დადგენილების ამოქმედებიდან შექმნილ საჯარო ინფორმაციაზე.

დადგენილების პროექტის მესამე მუხლის თანახმად, ამ დადგენილების ამოქმედებისთანავე ძალადაკარგულად ცხადდება აჭარის ავტონომიური რესპუბლიკის უმაღლესი საბჭოს 2014 წლის 20 მარტის №99-უ.ს.გ.ს დადგენილება - “საჯარო ინფორმაციის პროაქტიულად გამოქვეყნების წესისა და საჯარო ინფორმაციის ელექტრონული ფორმით მოთხოვნის სტანდარტის დამტკიცების შესახებ“ (საქართველოს საკანონმდებლო მაცნეს ვებგვერდი, (www.matsne.gov.ge), 20.03.2014, სახელმწიფო სარეგისტრაციო კოდი:020090000.31.056.016042).

დადგენილების პროექტის მეოთხე მუხლის თანახმად დადგენილება ამოქმედდება გამოქვეყნებისთანავე.

II. დადგენილების პროექტთან დაკავშირებით საკომიტეტო განხილვამდე გამოთქმული მოსაზრება/შენიშვნა

აჭარის ავტონომიური რესპუბლიკის უმაღლესი საბჭოს განსახილველი დადგენილების პროექტთან დაკავშირებით საკონსტიტუციო, იურიდიულ და საპროცედურო საკითხთა კომიტეტში (წამყვანი კომიტეტი) წარმოდგენილია

აჭარის ავტონომიური რესპუბლიკის უმაღლესი საბჭოს აპარატის იურიდიული და ადამიანური რესურსების მართვის დეპარტამენტის დასკვნა.

ზემოაღნიშნულ დასკვნაში წარმოდგენილი შენიშვნები, მოსაზრებები და წინადადებები, ასევე მათი დადგენილების პროექტში გათვალისწინების მდგომარეობა შენიშვნების ფურცლის სახით თან ახლავს დასკვნას.

აჭარის ავტონომიური რესპუბლიკის უმაღლესი საბჭოს რეგლამენტის 91-ე მუხლის მე-3 პუნქტის შესაბამისად, უმაღლესი საბჭოს ვებგვერდზე, რეზოლუციის პროექტთან დაკავშირებით კომენტარის სახით მოსაზრება/შენიშვნა არ დაფიქსირებულა.

III. დადგენილების პროექტის შეფასება

აჭარის ავტონომიური რესპუბლიკის უმაღლესი საბჭოს საკონსტიტუციო, იურიდიულ და საპროცედურო საკითხთა კომიტეტმა იურიდიული და ადამიანური რესურსების მართვის დეპარტამენტის დასკვნაში წარმოდგენილი შენიშვნებიდან გამომდინარე, დადგენილების პროექტის პირველი მუხლით დასამტკიცებელ დანართი №1 და დანართი №2-ში მიზანშეწონილად მიიჩნია შემდეგი სახის ცვლილებების განხორციელება:

1. დანართი №1-ის მე-4 მუხლის „მ“ ქვეპუნქტი ჩამოყალიბდეს შემდეგი რედაქციით - „ინფორმაცია უმაღლეს საბჭოში პირის ლობისტად რეგისტრაციის შესახებ (ქვეყნდება უმაღლესი საბჭოს ბიუროს მიერ შესაბამისი გადაწყვეტილების მიღებიდან არაუგვიანეს 10 სამუშაო დღისა)“.

2. დანართი №1-ის მე-4 მუხლს დაემატოს შემდეგი შინაარსის „ჭ.კ“ და „ჭ.ლ“ ქვეპუნქტები:

„ჭ.კ) უმაღლესი საბჭოს მუდმივმოქმედი სათათბირო საბჭოების ანგარიშები (ქვეყნდება წარდგენიდან არაუგვიანეს 10 სამუშაო დღისა);

ჭ.ლ) ლობისტის მიერ წარდგენილი ანგარიში (ქვეყნდება წარდგენიდან არაუგვიანეს 10 სამუშაო დღისა)“.

3. დანართი №1-ის მე-5 მუხლის „ა“ ქვეპუნქტიდან ამოღებულ იქნას „მ“ ქვეპუნქტი.

4. დანართი №1-ის მე-5 მუხლის „ბ“ ქვეპუნქტში დაემატოს მე-4 მუხლის „მ“ და „ჭ.ლ“ ქვეპუნქტებით გათვალისწინებული ინფორმაცია.

5. დანართი №1-ის მე-5 მუხლს დაემატოს შემდეგი შინაარსის „ვ“ ქვეპუნქტი - „ვ) ამ წესის მე-4 მუხლის „ჭ.კ“ ქვეპუნქტით გათვალისწინებული ინფორმაციის - საერთაშორისო ურთიერთობებისა და სტრატეგიული განვითარების დეპარტამენტი“.

დასკვნითი ნაწილი

აჭარის ავტონომიური რესპუბლიკის უმაღლესი საბჭოს რეგლამენტის 91-ე მუხლის მე-5 პუნქტის თანახმად, უმაღლესი საბჭოს საკონსტიტუციო, იურიდიულ და საპროცედურო საკითხთა კომიტეტმა, აჭარის ავტონომიური რესპუბლიკის უმაღლესი საბჭოს დადგენილების პროექტი - „საჯარო ინფორმაციის პროაქტიულად გამოქვეყნების წესის, პირობებისა და საჯარო ინფორმაციის ელექტრონული ფორმით მოთხოვნის სტანდარტების დამტკიცების შესახებ“

უმაღლესი საბჭოს პლენარულ სხდომაზე განხილვისათვის მომზადებულად მიიჩნია.

დანართი: -3- ფურცელი

პატივისცემით,
ვლადიმერ მაგლობლიშვილი

კომიტეტის თავმჯდომარე

A handwritten signature in blue ink, appearing to be 'Vladimir Magloblishvili', written over a horizontal line.